

■ GLOSSA

Cucu! cucu!

DA SILVIO CAMENISCH

Uss è il mais dals cucus. Jetzt haben die ihren geilen Auftritt, ihren Auftritt. Cucus prominents, legendas, iconas, denunzian sasezs in suenter l'auter publicamain. Weil ich es mir wert bin. Noss Emil annunzia en las memorias («Lachtzig») in unic figl da cucu generà avant bundant 30 onns en in gnieu chaud, ester. Èsi capità lezza giada en in letg stgaudà aposta da l'hotel? Rustico. Vita capita uschia. La sincera autodenunzia da l'icona vegn commemorada tranter creacultura e parasits: per engraziar, admirar, animar e turnar a far.

Gea, jau sun stà cucu da divers gnies en la terra dals idioms. Onn per onn enavant. Quai è uschia. Per fructifitgar e derasar la razza, die Art, sun jau stà cucu da divers gnies chauds, esters. Weil ich es mir wert bin. En la terra dals gnoms, jau manegel idioms – sontgs vegnian fatgs lur nums! els èn fatgs! – sun jau stà duman-dà cucu en schurnada. Di jau sin bun Rumantsch Störkuckuck u Kuckucktagelöhner? Tge che ti vuls. Il pled pledà, «spoken word», vertescha tut, na



scumonda nagut. Quai è uschia.

Èn las capoutschellas, Ematriarcas fundamentals ultraradicalas «da nosa chaussa» era segiras ch'ellas han agens ovs en lur gnies chauds? Da lur e cun lur utschels? Umens. Ellas pudessan, savessan ellas gist, avoir lien ovs da cucu. In pitschen mument betg dà adatg, betg surveglià ils gnies chauds, ils «Rusticos», pront laschè vegnir en il cucu. Il capo vidlonder ord vista egoista nagliur altruista dal cucu: las capomammas utschellas (d'idioms) han cuà or els, insistentamain e persistentamain, sco agens! sco agens! Betg s'accurschidas u pir cur ch'il cucu prominent ha denunzià sasez. Tuts fan uss uschia. Sa denunziar e sa perstgisar. Sara machts auch!

Ussa ussa. In è sglà sur in gnieu da cucu. «Einer flog über das Kuckucksnest» e n'è betg capità en il film premià cun medem num. Tge performance mussa ussa quel? Da tgi è il gnieu? Tgenina è la dretga possessura? Utschella. L'Angelica è la dretga? Jau tegness surveglià mes gnieu, dunnas e mummas! U lain nus riscar mintg'emna ina fructificaziun, duas fructificaziuns, trais fructificaziuns «che dattan da discutir, che occupeschan, che polarischeschan»?

U schia è quai. En l'anonimitad suppunida betg garantida da thalia bücher turs da Cuira West ha ina idiomista incarnada en in burca cumprà «Shades of Grey 3. Befreite Lust» ma ignorà «Las flurs dil di» en bellezza linguatg dal «Stai si, defendal!» Dastga quella quai? Po ella cumportar quai cun sia cunscienza? Cun la mia pudess jau quai. N'ha quella betg clamà cun quai il cucu da gugent, willentlich, en ses gnieu chaud? Ina cultura stat e croda cun sia populaziun e cun sia literatura, di il Leo Tuor. E pertge cumprain e legin nus adascus mintg'emna in «Shades of Gray», dunnas? Cucu! cucu!